

CHRISTIAN INNEIPU

By – (L) Rev. TS Singson

(I) AKILADOH “Christan Houbung Angailut banga asih’a akipeh bangin” Christan houbung angailutna Pasal in aji angailut ding dan lahdoh ding pen ahi.

Hodges, Bible ledohthempan Christan Houbung angailutna thuhi chili in aseiyé.

1. AKidang: Christan Houbung angailutna chombeh le kidang aneijin ahi.
2. Khatseh bou: Christan mou (Houbung) khatseh bou aneijin ahi.
3. Kinaipi: Christa le Amou kingaina hi thildang jouse sanga chungnung jo ahi.
4. Lunglhaisah: Houbung hi Christa lunglhaisah pen chu ahi.

Thomas Aquinas in, “Ngailut kiti hi thilpeh ahin, ingailutpen phatna ding dei le tup chu ahi” ati. Augustine in, “Ngailutna in mun onglai khat asemin, hichu ngailutna bouvin asundim thei ahi” ati. Dihtah mongin Christa ngailutna hi tipumkhat mgaichatna chu ahi.

Greek paova ngailut kiti hi li aumin ahi.

1. Storge: Nulepan chate angailutna seiná a kimang ahi
2. Philia: Golte ngailutna seiná a kimang ahi
3. Eros: Tahsan kingailutna akimang ahi
4. Agape: Pathenin mihem Angailutna in akimange.

Ngailutna lah’a sangpen ahi. Hichehi nupa kah a jong hiding ahi.

2. INNEIPU NGAILUTNA TUPLEDOI:

Inneipu chu aji a dinga khotona tuinah leh tilkhou jing ding ahi. Atoh ding khohpen chu a insung pumpi ajile achate Christa kengbula apui ding chu ahi.

3. INNEIPU VAIPOHNA/NATOHNA:

Inneipun ngailutna natoh asuhbulhit theina ding pen chu Hingjing thu aman vanga bou hithei ahi. Hichu tuija asilngima thua asuhthengna ahi. (Eph 5:26). Inneipu natohna jeh chu “TAHSA KHAT” ahi.

4. INNEIPU NATOHNA HUNGKINUNGLE:

“Koi hile ajingailua chu ama kingailu ahi” Pasalin ngailutna aji chung a asunlhah jouse chu ama chung a hung kinungle ding ahi. Inneipu ti chu “Innkanpu” tina ahi. Aman insung akan gom theilou le kichenna le insung keh jia ahi.

B. CHRISTIAN PA Eph.6:4

Pa kiti hi thu lentah le jem lentah nei thumal ahi. “Pa phapen iti kihethei dem? Ti dohna hi pa hina gelkhoh jouse lungsunga aging jing in ahi. Dr. Payson in, “Pathenin nakhut’a songmantam khat nahinpe henlang hiche chung a chun na lunggel le ngaitona na neipen thugol khat khonunga simthei ding sunin tile ipi pen nasun dem? Tin Pate ana dongin ahi.

Dr. John, Holland a Radio Pastor pan Pale chate golvahna a thumal thum ana seiyyin, hiche ho chu, “Kicheppin, Umkhompin chule Taokhompin” ti ahi.

1. Pa chu achate toh kichem kho ding ahi.

F.A. Crosby in, “Pan achate toh asimkhom, kichepkhom, thil bolkhom, thusei khom, gamvah a che khom hitobanga kipana mankhom leh seikhom chu Pan achate toh kehtalou kingainatna asemkhomna phat pha leh atoh ding kin ahi”. Tin aseije. Dr. G.F. Johnson in, Mihem hinkho hophuma hopkhat chu kichepna a kimang ahi” tin aseijin ahi. Dr. Josiah Strong in, kichep thanopna hi imut nomle gilkel a anneh ding duchatna tobang ahi” ati.

2. Pa chun achatetoh phat amanlhom ding ahi

Pan achate ding a phat peh hi ichan geija manlu hitam, Jesun jong aseijuite aui khangtouna din phat anapen ana kivoppin ahi. Chate lunghtim khangtou jing puikhangtou na ding a phapen chu kivopkhom pi ahi.

3. Pa chu achate toh taokhom ding ahi.

Eph. 6:4 a Pathenin Pate thup eh kichehtah khat ana pen ahi. Chap an lai ja thungailou kiti hi pan hiche thup eh angailou jeh leh Pro. 22:6 a thutep anitlou jeh ahi. Pa kin chu achate Christa a pui ding chu ahi. Chap an chun Christa akisan tengle pa aman chu ataokhomp i jingding ahi. John Baptist jong apenlhah tila apan Pathen ataopeha ana pehdoh ahi.

C. PATE MOPOHNA PELDOH THEILOU

Chate tahsa leh lhagao lama akhantou theina diuva Pan amopohna chu akipapi ding ahi. Insung chate hilna leh puina jouse nu chungangah jeng chu ahoilou she hilouvin, alhing lou ahi. Pa loikhat chu ainsung mite toh kam khatcha jong kihou manlouva kholai ja lhaimang atamin ahi. Thildang tamtah a lolhingin lang paisa ijat nei jongle chun na chapa na kismphat louleh na hinkho alolhing lou nahi. Nang lolhinna chu na chate lolhinna hiding ahi. Na chate na semdoh jou ding hinam? Edgar A Guest in hitin aseije, “Keiman kachapa John chu dihtah a akhanletna dinga kakithopi louva ahileh paisa ijat mun lang itobang jana chang jongleng keia leh keima alolhing lou kaki ti ding ahi” ati.

IN SAPA

In sapa khat hin houin asan, aman inn chu hoitah leh chingthei tahh in asan hai. Akhom abang leh akot jouse ama deibangtah in ajemin ahi.

Mihon ahoidan chu amuvin aseijun, “Itih in jong seta ponte, Inn sapu na chihna nathemna alen lneh e, naming tonsot a umjing ding ahi” atiuve.

Houhil khat in houin khat ngailut leh khoto tah in asan hai. Akhoto jouse hoitah in thohat tah in agongin, song jong taona pumin aphut in ahi. Koiman ama thilgon kidang chu ahetteh poi ajehchu hou-in houhil pun asah chu mihem mit in amu theipon ahi.

Inn sapa houin sah chu achimtan vutvai lah a ahal halin aumgamtan, nget in abonin anejou gam tan ahi. Ahinla houhilpa houin sah chu tonsotna umjing ding ahitai.

Ajehchu hichu houin mutheilou chu chapang lhagao thu theilou chu ahitan ahi.

Sopi nang innsah itobang ding ham?